



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 1122/2013

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Muharrem Shala kryesues, Xhevdet Abazi dhe Hasan Shala anëtarë, duke vendosur përkitazi me ankesën e Avdullah Hoxha, kandidat për anëtar të kuvendit komunal nga radhët e PDK-së në Ferizaj, paraqitur kundër shpalljes së rezultateve përfundimtare nga QNR-KQZ, për Zgjedhjet Lokale në seancën e panelit të mbajtur me 06.12.2013, mori këtë:

VENDIM

Refuzohet si e pabazuar ankesa e Avdullah Hoxha, kandidat për anëtar të kuvendit komunal nga radhët e PDK-së në Ferizaj,

Arsyetim

PZAP-i, ka pranuar një ankesë me datë 03.12.2013 nga Avdullah Hoxha ku pretendon se shkelja ka ndodhur pas përfundimit të numërimit të votave për asamblist në qv 2506D/02r kryesuesi i vendvotimit nga ana e VV nuk ka ditur ta plotësoj formularin kryesor i cili dorëzohet në KQZ. Me kërkesën e Skender Selimit nga Vetevendosja është dorëzuar kutia e pa mbyllur dhe formulari nuk është dorëzuar sipas KQZ-së komunale në Ferizaj.

Parashtruesi i ankesës si deshmi ka bashkangjitur deklaratën e komisionarit Sabedin Mustafa komisioner nga rradhët e PDK-së në QV 2506D/02R në të cilien thekson se kandidati Avdullah Hoxha ishte i rradhitur në listë me nr 13 i cili kishte 93 vota dhe gjat plotësimit të formularit nga ana e kryesuesit ishin bërë gabime si dhe paketimi nuk ishte bërë si duhet dhe për kanë njoftuar KKZ-në dhe nga ata kanë marrë përgjigje se kutia të dorëzohet e hapur në QNR-KQZ. Kështu që kandidati Avdullah Hoxha sipas deklaratës së komisionarit në këtë vendvotim 2506D/02R ka vetëm 3 vota të numëruara dhe se kërkon që të bëhet rinumërimi i votave në këtë vendvotim.

Me datën 04.12.2013 PZAP- i ka kërkuar nga KQZ-ja që të bëhen hetimet me këtë rast. Me datën 05.12.2013 hetuesit e PZAP-it kanë qenë në QNR për rastin në fjalë dhe nga QNR-ja është njoftuar se për këtë vendvotim dhe disa të tjera ishte bërë rinumërimi i votave nga ana e QNR-së – KQZ-së.

PZAP-i, pasi që shqyrtoi dhe analizoi shkresat e lëndës gjeti se:

ankesa është e pabazuar

PZAP-i, konstatoi nga shkresat e lëndës se lidhur me pretendimet ankimore që ka kërkuar rinumërimin e votave në QV2506D/02R, nuk qendërojnë sepse KQZ-ja, e ka bërë rinumërimin në Qendrën e Numërimit dhe të Rezultateve (QNR), për rastin në fjalë.

Andaj duke u bazuar në arsyet e cekuar më lart se veç është bërë rinumërimi në QNR, PZAP-i, pretendimet ankimore i vlerësoi si të pa bazë, duke u bazuar në nenin 118 paragrafi 1 të LZP-së, prandaj u vendos si në dispozitiv të këtij vendimi.

Paneli Zgjedhor për Ankesa dhe Parashtresa

Anr. 1122/2013 më datën 06.12.2013.



Këshillë Juridike: Ndaj këtij vendimi mund të paraqitni ankesë në Gjykatën Supreme të Republikës së Kosovës brenda 24 orëve nga momenti i marrjes së vendimit nga PZAP-i.